

Krstan Simić postavio je sljedeća pitanja Vijeću ministara BiH:

1. U pojedinim medijima pojavljuju se informacije da će centralno obilježavanje velikog rata (Prvi svjetski rat) biti održano u Sarajevu, a imajući u vidu da je u BiH političko pitanje „da li Drina teče uz vodu ili niz vodu“, možemo tek zamisliti koja će politička pitanja otvoriti jedna ovakva proslava.

Molim informaciju o tome da li neka od institucija BiH priprema ovu manifestaciju. Ako je priprema, koji su motivi takve manifestacije, a posebno da li se radi na usklađivanju stavova o modalitetu i poruka s ove proslave s obzirom na nacionalno-državnu strukturu BiH. Molim i odgovor na to da li je tačno da je u pripremi izgradnja spomenika Francu Ferdinandu u Sarajevu.

2. Uvažavajući značaj procesuiranja ratnih zločina za ostvarenje pravde za sve žrtve u Bosni i Hercegovini, molim, ako je to moguće, da mi se odgovori:

Koliki je ukupan broj osuđenih lica za ratne zločine na prostoru BiH od izbijanja oružanog sukoba do danas? Želim da mi se podaci iskažu po entitetima i na nivou pravosudnih institucija u BiH.